

Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 014628 21 K
Novi Travnik, 03.11.2021. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Lazarela Porić, kao predsjednica Vijeća, Darmin Avdić i Mirjana Grubešić, kao članovi vijeća, uz sudjelovanje Erme Jusić kao zapisničara, u kaznenom predmetu protiv optuženog Maristela Jukić, zbog protupravnog djela koje po svom sadržaju predstavlja kazneno djelo ubojstva iz člana 166. stav 2. tačka a) Kaznenog zakona Federacije Bosne i Hercegovine, po optužnici Kantonalnog tužiteljstva Travnik broj: T06 0 KT 0028261 20 od 27.05.2021. godine, nakon održanog usmenog i javnog glavnog pretresa dana 28.10.2021. godine, u prisutnosti zastupnika optužbe Vjekoslava Vavra, optuženog Maristela Jukić i njegove braniteljice Branke Praljak, odvjetnice iz Novog Travnika, po obavljenom vijećanju i glasanju, u prisustvu opruženog i njegove braniteljice Branke Praljak, a u odsutnosti kantonalnog tužitelja, vijeće donosi, a predsjednica vijeća javno objavljuje dana 03.11.2021. godine, slijedeću:

PRESUDU

Utvrdjuje se da je optuženi

Maristelo Jukić, zv. „Marjan“ sin Joze i majke Milke rođene Trutić-Kepić, rođen 23.08.1967. godine u Travniku, nastanjen [REDACTED], pismen sa završenom srednjom školom, bravar, nezaposlen neoženjen, vojsku služio, Hrvat državljanin BiH i RH JMBG; [REDACTED] lišen slobode 13.12.2020.godine u 08,00 sati, nalazi se u pritvoru po rješenju Kantonalnog suda u Novom Travniku 06 0 K 014628 21 K od 08.10.2021. godine koji mu može trajati do 13.12.2021. godine.

U stanju neuračunljivosti počinio protupravno djelo ubojstvo iz člana 166. stav 1. tačka a) Kaznenog zakona Federacije BiH.

Na način što je:

U noći 12.12.2020. godine između 22,00 i 23,00 sati u mjestu Donje Putičevo, općina Travnik, u kući u kojoj je živio sa oštećenom, inače njegovom tetkom Lucom Jukić u stanju potpune neuračunljivosti kao posljedica duševne bolesti „Shizofrenija“, na okrutan način lišio života oštećenu na način da je došavši kući u alkoholisanom stanju sa koncentracijom alkohola u krvi od 2,85 promila, a gdje su ga dovezli njegovi prijatelji Marko Čeko, Nenad Štrbac i Antonio Sučić, pa nakon što mu je oštećena otvorila vrata i nakon što je ušao u kuću istoj nakon kraće prepirke, rukama i nogama, zadao više snažnih udaraca u predjelu glave, grudnog koša, kao i upotrebom podesnog oštrog predmeta, uslijed kojih udarca je oštećena zadobila tjelesne ozljede: u vidu krvnih podliva u predjelu dojki, prednje strane grudnog koša, poprečnog potpunog prijeloma tijela grudne kosti, serijski prijelom rebra III –VIII lijevo sa prodorom okrajaka u grudnu duplju, serijski prijelom prednjih dijelova III –IX rebra desno sa prodorom okrajaka u grudnu duplju, izliv krvi u obje grudne duplje, prijelom desnog velikog nastavka podjezične kosti sa umjerenom krvnom podlivenošću okolnih meko-tkivnih struktura, krvni podliv tkiva mekog oglavka lijevo čiono, krvna podlivenost lijevog slijepoočnog mišića, obimna krvna podlivenost kože, gotovo čitave površine lijeve strane lica, lijevog slijepoočnog dijela glave, te lijeve strane bratka koja seže do donjeg ruba lijeve polovice tijela donje vilične kosti, zahvatajući i gornji predio vrata sprijeda i lijevo bočno, sa brojnim kratkim prskotinama kože lijevog obraznog predjela, krvna podlivenost kapaka lijevog oka, razderno nagnječnu ranu središnjeg dijela gornje usne dužine oko 1 cm, razderno nagnječnu ranu lijevog donjeg viličnog predjela na oko 1,5 cm od središnje crte dužine oko 1,5 cm, krvni podliv kože, promjera oko 6x8 cm desne bočne strane trbuha u nivou ivice zdjelice kosti, poprečno postavljenu rezu ranu kože dlanske strane lijevog ručnog zgloba, polukružnu reznu ranu donjeg dijela nadlanske strane desne šake, krvni podliv kože nadlanice lijeve šake promjera oko 5x5 cm, nagnječine stražnje strane desnog lakta (kombinacija krvnog podliva i oguljotine kože), oko 3-4 krvna podliva kože prednje i prednje unutrašnje strane središnjeg dijela desne podkoljenice, uzdužno postavljena oguljotina kože zakoljenskog predjela desne noge, dva diskretna krvna podliva kože desne strane vrata u nivou grkljana postavljena jedan ispod drugo, te krvni podlivi u nivou donjeg ruba desne polovice donje vilične kosti, odnosno donjeg dijela lica desno nešto iznad nivo donje vilične kosti, uslijed kojih je oštećena preminula, nakon čega se presvukao u drugu odjeću, te sa nožem u ruci, koji je imao dužinu sječiva 21 cm i žutu pvc dršku dužine oko 11 cm, pješke, uputio u pravcu Novog Travnika, tačnije kuće Veronike Rako u mjestu Stojkovići, u čijoj blizini je i uočen od strane policijske patrola, koja je uočila da isti odbacuje nož od sebe, nakon čega mu prilaze, obavljaju razgovor sa istim i privode ga u prostorije MUP-SBK.

Temeljem odredbe čl. 410. st. 1. Zakona o kaznenom postupku Federacije BiH po pravomoćnosti ove presude optuženi će se privremeno smjestiti u zdravstvenu ustanovu uz izvještavanje zdravstvene ustanove.

Na temelju članka 78. st. 1. Kaznenog zakona Federacije BiH, optuženom se izriče mjera sigurnosti oduzimanja predmeta, pa se privremeno oduzeti predmet, nož sa pvc žutom drškom dužine oko 32 cm, dužine sječiva oko 21 cm, ovom odlukom oduzima trajno i isti se po pravomoćnosti presude ima uništiti.

Optuženi se temeljem odredbe člana 202. stav 4. Zakona o kaznenom postupku Federacije BiH, oslobađa od obveze plaćanja troškova kaznenog postupka i isti padaju na teret proračunskih sredstava.

Istovremeno, a nakon što je presuda objavljena, vijeće temeljem odredbe član 410. stav 3. Zakona o kaznenom postupku Federacije BiH, donosi slijedeće:

RJEŠENJE

Optuženom Maristelu Jukić, sin Joze, se privremeno određuje prisilni smještaj u zdravstvenoj ustanovi u trajanju od šest mjeseci o čemu će sud sačiniti posebno rješenje.

Zapisničar
Erma Jusić

Predsjednica vijeća
Lazarela Porić